



COMUNU DE SCALEPRANU

PROVÌNTZIA DE SUD SARDIGNA

DELIBERATZIONI DE SU CUNSILLU COMUNALI

N. 11 DE SU 29/04/2020

OGETU: APROVATZIONI DE SU BILÀNCIU DE PREVISIONI 2020/2022, DE SU DOCUMENTU ÙNICU DE PROGRAMATZIONI (D.U.P.) E DE SA NOTA INTEGRATIVA.

S'annu duamillaebinti, in di de su **BINTINOI** de su mesi de **ABRILI** a is **12,11**, in modalidadi de videocunferèntzia, cunforma a si chi est stabiliu cun decretu de su Sindigu n.1 de su 01/04/2020, pustis su convoco fatu cunforma a s'art.3 de su regolamentu de su Cunsillu Comunali, s'est atobiau su Cunsillu Comunali in prima convocatzioni.

A s'apellu nominali nd'arresutant presentis:

SU SÌNDIGU Marco Lampis

CUNSILLERIS PRESENTIS

AGUS DANILO
CARTA PAOLO

LEONI ELEONORA
LOCCHI MAURO
PISANU MICHELE

ROSAS JOHNNY
SPANO SANDRA RITA
USALA LAURA
ZEDDA FILIPPO ANDREA

CUNSILLERIS ASSENTIS

LAI ALESSANDRO
LAI ANTONIO

PRASCOLU NICOLA

*Cunsilleris assenniaus n.12 prus su Sìndigu, totali n.13
Cunsilleris in càrriga n.12 prus su Sìndigu, totali n.13*

*totali presentis n. 11
totali assentis n. 2*

Cun s'assistèntzia de su Segretàriu Comunali Dot. Giovanni Mattei, su Sindigu Marco Lampis, ndi pigat sa presidèntzia e acrarau su nùmuru legali de is intervènnius, deccarat oberta sa setzida e invitati is cunvoaus a deliberari a pitzus de s'ogetu inditau impitzus.

Si donat atu ca sa piataforma telemàtica chi permitit a su Segretàriu de arreconnosci sa faci e sa boxi e de permìtiri a su Segretàriu de identificai si chi pigant parti est sa piataforma informàtica Go to Meeting po cunferèntzias virtualis.

SA SETZIDA EST PÙBLICA

SU CUNSILLU COMUNALI

BIU s'art.162, comma 1, de su D.Lgs. 267/2000, innui “*Is entis localis deliberant dònnia annu po su bilànciu de previsioni finantziàriu, riferiu assumancu a tres annus, cun is previsionis de cumpetèntzia e de càscia econòmica de sa primu gestioni po su tempus pigau in cunsideru e is previsionis de cumpetèntzia de is gestioneis sighentis, arrespetendi is principius contàbilis generalis e aplicaus allegaus a su decretu legislativu 23 de Làmpadas 2011, n.118, e modificatzionis sighentis*”;

PIGAU ATU ca:

- Cun su D.Lgs. 118/2011, modifica de su D.Lgs. 126/2014, est stètia introdùsia sa contabilidadi noa armonizada po pigai is schemas nous de bilànciu e s'adotzioni de principius nous contàbilis, cunsighentis a s'arrespetu de su principiu nou de cumpetèntzia finantziària potentziada;
- De su 2016 totu is entis coinvòlgius in sa riforma depint pigai is schemas nous po su bilànciu, cunforma a su schema de s'allegau n.9 de su D.Lgs. 118/2011, chi pigant valori giurìdicu, fintzas po si chi pertocat s'incàrrigu autorizativu;

CUNSIDERAU ca:

- Cunforma a sa contabilidadi noa armonizada, su bilànciu de previsioni est partziu in duas partis, po si chi pertocat is intradas e is bessidas econòmicas, e est fatu cunforma a su schema prevediu de s'allegau 9 a su D.Lgs. 118/2011, modifica de su D.Lgs. 126/2014;
- Is intradas econòmicas funt classificadas in titulus e tipologias;
- Is spesas funt classificadas in missionis e programas;

VERIFICAU ca is entis depint provedi a tennis a contabilidadi finantziària cunforma a is printzìpius generalis, e in particulari a su principiu generali n.16 de sa cumpetèntzia finantziària, modifica de pagu cun is DM 01/03/2019 e 01/08/2019, innui is obrigatzionis ativas e passivas perfetzionadas giuridicamente funt registradas ne is scrituras contàbilis cun s'imputadura de s'esercìtziu innui benint a scadèntzia;

BIU po custu chi, aprichendi su principiu generali de sa cumpetèntzia finantziària, is previsionis po is intradas e bessidas econòmicas iscritas in bilànciu pertocant is acraramentus e is impènnius chi si prevedit de pigai po dònnia gestioni arreferred a su bilànciu e, cun sa boxi “de su FPV”, a su totali de is tzifras chi si prevedit de imputai a is gestioneis sighentis;

RILEVAU ca, cunforma de s'art.151, comma 1, de su D.Lgs. 267/2000, “*Is entis localis s'allineant cun sa gestioni a su principiu de programatzioni. Po custu presentant su Documentu únicu de programatzioni aintru de su 31 de argolas de dònnia annu e deliberant su bilànciu de previsioni finantziàriu aintru de su 31 de idas, assumancu po tres annus de tempus. Is previsionis de bilànciu funt elaboradas cun is línneas stratègicas cuntènnias in su documentu únicu de programatzioni, arrespetendi is principius contàbilis generalis e aplicaus allegaus a su decretu legislativu 23 de làmpadas 2011, n.118, e modificatzionis sighentis. Is tèrminis podint èssiri diferius cun decretu de su Ministru de s'Internu, de acòrdiu cun su Ministru de s'economia e de is finàntzias, intèndia sa Cunferèntzia Stadutzitadi e autonomias localis, in presèntzia de esigèntzias motivadas*”;

BIU su Decretu de su Ministeru de s'Internu, publicau in sa Gazeta Ufitziali n.295 de su 17 de Idas 2019, innui su tèrmini po s'apricatzioni de su bilànciu benit prorogau fintzas a su 30/04/2020 cun su decretu de su Ministeru de s'Internu de su 28 de Freàrgiu 2020, publicau in sa Gazeta Ufitziali n.50 d esu 28/02/2020;

BIU s'art.107, comma 2, de su D.L. n.18/2020, a.a. Decretu Cura Italia, chi po sa gestioni 2020 at diferiu su tèrmini po sa deliberatzioni de bilànciu de previsioni de is entis localis a su 31 de maju 2020;

ARREMONAUS:

- S'art.1, comma 169, L. n.296/06 (Lei finantziària 2007) cunforma a “IS entis localis deliberat is taarifas e is alìcuotaas po is tributus de cumpetèntzia insoru aintru de sa data stabilia de normas statalis po sa deliberatzioni de su bilànciu de previsioni. Custas deliberatzionis, fintzas chi funt aprovadas suzessivamente a s'inìtziu de sa gestioni ma aintru de sa scadèntzia inditada, tenint

efetu de su 1 de gennàrgiu de s'annu de riferimentu. Chi no benit aprovada aintru de custa scadèntzia, is tarifas e is alìcuotas fuit prorogadas de annu in annu”;

- S'articulu 1 comma 779 de sa lei 27 de Idas 2019 n.160, innui si disponit ca po su 2020, is comunus, in dèroga a s'art.1, comma 169, de sa lei 27/12/2006, n.269, a s'articulu 53, comma 16, de sa lei 23 de Idas 2000, n.388, e a s'articulu 172, comma 1, lìtera c) de su testu ùnicu de is leis po s'ordinamentu de is entis localis, cunforma a su D.Lgs 18 de Austu 2000, n.267, podint aprovai is deliberas po si chi pertocat is alìcuotas e su regulamentu de imposta foras de sa scadèntzia po s'aprovatzioni de su bilànciu de previsioni po is annus 2020-2022 e, a dònnaia manera, no prus a tradu de su 30 de Lèmpadas 2020;
- S'art.1 comma 683-bis de sa L. n.147/2013, introdùsiu de s'art.57-bis, comma 1, lìt. b) de su D.L. Fiscali 2019 (D.L. 26 de Ladàmini 2019, n.124), chi prevedit “*Cunsiderendi sa netzessidadi de achiriri su pianu finantziàriu de su servìtziu de gestioni de is arrefudus urbanus, po s'annu 2020, is comunus, in dèroga a su comma 683 e a s'articulu 1, comma 169, de sa lei 27 de Idas 2006, n.296, aprovant is tarifas e is regulamentus de sa TARI e de sa tarifa currispetiva aintru de su 30 de abrili. Is dispositionis po su tempus pretzedenti s'aplicant fintzas in situatzionis de esigèntzia de modifica a provedimentus gai deliberaus*”;
- S'art.107, comma 5, de su D.L. n.18/2020, a.a. Decretu Cura Itàlia, chi disponit: “Is comunus podint, in dèroga a s'articulu 1, commas 654 e 683, de sa lei 27 de Idas 2013, n.147, aprovai is tarifas de sa TARI e de sa tarifa currispetiva pigada po s'annu 2019, fintzas po s'annu 2020, provedendu aintru de su 31 de Idas 2020 a sa determinatzioni e aprovatzioni de su pianu èconòmicu finantziàriu de su servìtziu arrefudus (PEF) po su 2020. Su conguàlliu eventuali de is spesas de su PEF po su 2020 e cussus determinaus po s'annu 2019 podit èssiri pratziu in tres annus, a incumentzai de su 2021”;

BIAS custas deliberatzionis innui fuit determinaus, po sa gestioni 2020, is tarifas, is alìcuotas d'imposta e is detratzionis eventualis, is variatzionis po is tributus localis e po is servìtzius localis:

- Deliberatzioni G.C. n.7 su 11/03/2020, cun ogetu: “Art.172, c.1 lìt. c) de su D.Lgs. 267/2000 – servìtzius pùblicus a domanda individuali. Determinatzioni de su pianu po is costus e is ricavus e is interessus in pertzentuali de su costu po sa gestioni de is servìtzius etotu po s'annu 2020”;
- Deliberatzioni G.C. n.8 de su 11/03/2020, cun ogetu “Determinatzioni prètzius po sa tzessioni de is àreas po atividadis produtivas e àteras e prètzius po is alògius communalils donaus de su demàniu po s'annu 2020”;
- Deliberatzioni de su Cunsillu Comunali n.9 su 08/04/2020 cun ogetu “Determinatzioni alìcuotas IMU po s'annu 2020”;
- Deliberatzioni de su Cunsillu Comunali n.10 su 08/04/2020, cun ogeu “TARI annu 2020- rinviu aprovatzioni tarifas, Regulamentu e pianu finantziàriu de su sugetu gestori”, innui benint cunfirmaus, po s'elaboratzioni de un Pianu finantziàriu nou po s'annu 2020, in su bilànciu de previsioni 2020-2022, is summas istantziadas po is intradas èconòmicas in lìnia cun cussu po su 2019, po totu sa spesa prevedia po su servìtziu de gestioni de is arrefudus urbanus, fintzas cun sa cuota TEFA;

BIAS, po is Intradas èconòmicas, custas deliberatzionis:

- Deliberatzioni G.C. n.25 de su 08/04/2013 po s'aprovatzioni de is tarifas po sa pubritzidadi e diritu po is afissionis pùblicas;
- Deliberatzioni C.C. n.01 de su 04/04/2014 po s'aprovatzioni de su Regulamentu po sa gestioni de sa Tassa de Ocupatzioni de su Suolu Pùblicu;
- Deliberatzioni G.C. n.33 de su 17/04/2014 po sa determinatzioni de is tarifas de sa Tassa Ocupatzioni Spàtzius e Àreas Pùblicas (TOSAP);
- Deliberatzioni C.C. n.07 de su 08/07/2020 po s'aprovatzioni de su Regulamentu generali nou po is intradas èconòmicas de su Comunu de Scalepranu;
- Deliberatzioni C.C. n.08 de su 08/04/2020 po s'aprovatzioni de su Regulamentu comunali nou po sa dissiplina de s'imposta munitzipali ùnica – IMU;

- Deliberatzioni C.C. n.09 de su 08/04/2020 cun ogetu “Determinatzioni alìcuotas IMU po s’annu 2020”;
- Deliberatzioni C.C. n.10 de su 08/04/2020 cun ogetu “TARI annu 2020 – rinviu aprovatzioni tarifas, regulamentu e pianu finantziàriu de su sugetu gestori”;

BIU in prus ca ne is documentus de programatzioni contàbili est prevedia de pigai su Documentu Ùnicu de programatzioni (DUP) po su tempus de su bilànciu de previsioni e chi sostituiscit cussa chi cun sa normativa previgenti beniat tzerriada Relata Previsionali e Programàtica;

CUNSIDERAU ca cunforma a s’articulu 170, comma 6, de su D.Lgs. 267/2000 “Is entis localis cun populatzioni prus bàscia de 5.000 abitantis predisponint su Documentu ùnicu de programatzioni semprificau prevediu in s’allegau n.4/1 de su decretu legislativu 23 de Lèmpadas 2011, n.118, e modificatzionis sighentis”;

BIU su schema de su DUP (Documentu Ùnicu de programatzioni) po is annus 2020-2022 aprova cun deliberatzioni de Giunta Comunal n.14 de su 08/04/2020;

DONAU ATU ca in su DUP, cunforma de su puntu 8.2 de su printzìpiu apricau de sa programatzioni, funt inserius e aprovaus a manera contestuali, custus trastus po sa programatzioni:

- Programa po tres annus e elencu annuali de is traballus pùblicu cunforma a s’art.21 de su D.Lgs. 18 de Abrili 2016, n.50 e arregulau cun Decretu 16 de Gennàrgiu 2018, n.14 de su Ministeru de is Infrastruturas e de is Trasportus chi ndi definiscit is protzeduras po fai e pubricai – deliberatzioni C.C. n.4 de su 08/04/2020;
- Programa po duus annus po is fornidoras e servitzius, cunforma a s’art.21, comma 6, de su D.Lgs. n.50/2016 e arregulau cun Decretu 16 de Gennàrgiu 2018 n.14 de su Ministeru de is Infrastruturas e de is Trasportus chi ndi definiscit is protzeduras po fai e pubricai – deliberatzioni C.C. n.4 de su 08/04/2020;
- Pianu de is alienatzionis e valorizatzionis imobiliaris, cunforma a s’art.58, comma 1, de su D.L. 25 de Lèmpadas 2008, n.112, convertiu cun modificatzionis de sa L. 6 de Austu 2008, n.133 deliberatzioni C.C. n.5 de su 08/04/2020;
- Programas po tres annus de su fabisòngiu de su personali cunforma a s’art.6, comma 4 de su D.Lgs. n.30 de Martzu 2001, n.165 – deliberatzioni G.C. n.10 de su 11/03/2020;

PIGAU ATU ca s’òrganu de revisioni at espressau parri a favori a sa proposta de bilànciu e a is allegaus cosa sua cun parri n.4 de su 24 de Abrili 2020, prot. 2459/2020 de su 27/04/2020;

BIA sa tabella po is paràmetrus de riscontru de sa situatzioni de dèficit strutturali prevedia de is disponimentus in vigèntzia in matèria;

CUNSIDERAU CA a s’Enti no arresurtat dèficit, cunforma a s’art.242, comma 1, de su D.Lgs. n.267/2000 e po custu no depit arrespetai su lìmiti mínimu de sa disponibilidadi finantziària de su costu totali de is servitzius a dimanda fissau a su 36% de s’art.243 comma 2 litera a) de su D.Lgs. 267/2000;

ARREMONAU s’art.1, commas 819-826 de sa Lei n.145/2018 (Lei de su bilànciu 2019), chi dissiplinat su parègiu in bilànciu, e is entis si cunsiderant in ecuilibriu in presèntzia de un arresurtau de cumpetèntzia a sa gestioni no negativa, aici cumenti arresurtat de su prospetu de verifica de is ecuilibrius allegau a su rendicontu de sa gestioni prevediu de s’allegau 10 de su decretu legislativu 23 de Lèmpadas 2011, n.118;

BIU po custu su prospetu relativu a is ecuilibrius de bilànciu cun is previsionis de cumpetèntzia po tres annus rilevaus in sedi de rendicontu po sa verifica de s’arrespetu de su risurtau de cumpetèntzia, innui arresurtat sa coerèntzia de bilànciu cun is obietivus de finanza pùblica;

BIU fintzas su prespetu po is ecuilibrius de bilànciu cun is previsionis de cumpetèntzia po tres annus po sa verifica de su saldu cun is intradas èconòmicas e is spesas finalis cunforma a s’art.9 de sa Lei n.243/2012, integraru cun si chi coillat de s’aministratzioni e cun su fundu vincolau po prus annus, de innui nd’arresurtat sa coerèntzia de bilànciu cun obietivus de finanza pùblica, aici cumenti acrarau de sa Corti de is Contus a Setzionis Riunidas cun deliberatzioni n.20/2019;

BIU s'elencu de is mìtuus in amortamentu ne is annus 2020-2022 e verificada sa possibilidadi de s'enti de s'indepidai aintru de is limitis stabilius de s'art.204 de su D.Lgs. 267/2000, aici cumenti amostau in su Documentu ùnicu de programatzioni;

BIU su comma 1, de s'articulu 18-bis, de su D.Lgs. n.118/2011, chi prevedit chi is regionis, is entis localis e is entis chi traballant cun issus, pigant un sistema de inditadoris sèmplitzis, nomenaus “Pianu de is inditadoris e de is arresurtaus de bilànciu” chi si podint controllai e riferius a programas e àterus agregaus a su bilànciu, costruius cunforma a critèrius e metodologias comunis, fatu cunforma a su schema de su Decretu de su Ministru de s'Internu de su 23/12/2015, e allegant, cunforma a su comma 3, su pianu de is inditadoris a su bilànciu de previsionni o a su dinai a disponimentu po sa gesioni e a su bilànciu consurtivu o a su bilànciu de gestioni;

BIU po custu su “Pianu de is inditadoris e de is arresurtaus atèndius a su bilànciu”, allegau a-i custa deliberatzioni, cumenti parti integranti e sustanziali;

PIGAU ATU ca is autus arremonaus ne is puntus pretzendentis rapresentant allegaus a su bilànciu de previsioni cunforma a s'art.172 de su D.Lgs. 267/2000 e modificatzionis sighentis, e funt de allegai a-i custa deliberatzioni po ndi fai parti integranti e sustanziali;

DONAU ATU ca sa Giunta Comunali, cun deliberatzioni n.15 de su 08/04/2020 at aprovau, cunforma a s'art.17 de su D.Lgs. 267/2000, su schema de Bilànciu de previsioni finantziàriu 2020-2022 allegau 9 de su D.Lgs. 118/2011 e allegaus relativus, fintzas cun su schema de nota integrativa a su bilànciu de previsioni finantziàriu, fata cunforma a s'art.11 comma 3 litera g) e comma 5 de su D.Lgs. 118/2011, cunforma a si chi est stabiliu de su principiu contàbili de sa Programatzioni de s'allegau 4/1 a su D.Lgs. 118/2011, chi integrat e amostat is previsionis de bilànciu;

DONAU ATU ca is previsionis po is intradas èconòmicas e de spesa funt stètias postas in bilànciu po mori de is arrechestas de is Responsàbilis de servìtziu e cun is inditus donaus de s'Administratzioni, postu in contu de is esigèntzias de is servìtzius e de is obietivus de gestioni de persighiri po is annus 2020-2022;

DONAU ATU:

- Ca su depòsitu de is schemas de bilànciu de previsioni finantziàriu 2020-2022 e allegaus, e ca is autus contàbilis arremonaus ainnantis funt stètius donaus a is componentis de su cunsillu cun nota prot. n.2153 de su 15/04/2020;
- Ca s'òrganu de revisioni at donau parri a favori po sa proposta de bilànciu e a is allegaus cun verbali n.5 de su 27/04/2020, prot. 2459/2020 de su 27/04/2020;

POSTU IN CONTU ca est netzessàriu a protzedi, cunforma a s'art.174 de su D.Lgs. 18 de Austu 2000, n.267, a s'aprovatzioni de su documentu ùnicu de programatzioni (DUP) 2020-2022, de su Bilànciu de previsioni finantziàriu 2020-2022, cun nota integrativa a su bilànciu, de su Pianu de is inditadoris e de is arresurtaus chi s'abentan de su bilànciu, cun totu is allegaus prevedius de sa normativa;

ARREMONAUS custus allegaus:

- Rendicontu de s'esercìtziu 2019 aprovau cun deliberatzioni de su Cunsillu Comunali n.15 de su 15/07/2019;
- Deliberatzioni G.C. n.2 de su 03/02/2020, cun ogetu “Indennidadi de incàrrigu a su Sìndigu, a su Vicesindigu e a is Assessoris po s'annu 2020”;
- Deliberatzioni de sa Giunta Comunali n.3 de su 03/02/2020, cun ogetu “Arrembursu forfetàriu a benefitziu de is aministradoris localis prevediu de su regulamentu de atuatzioni de s'art.73 de sa L.R. 4 de Freàrgiu 2016 n.2 (riòrdinu de su sistema de is autonomias localis de sa Sardìnnia). Mofifica deliberatzioni G.C n.8 de su 13/03/2019;

DONAU ATU ca:

- No funt prevedius stantziamenti po is aproventus po is santzionis a su còdixi de sa strada, poita ca sa Politzia Locali est stètia trasferia a s'Unioni de is Comunus de su Gerrei;

- In su finantziamentu de is investimentus no est prevediu s'arrecursu a su finantziamentu de crèditu;
- Su fundu po s'arreserva ordinàriu no est prus bàsciu de su 0,30% e no prus arta de su 2% de su totali de is spesas fatas e prevedias a bilànciu, cunforma a s'art.166, comma 1 de su Testu Ùnicu po s'ordinamentu de is Entis Localis;
- Su fundu crèdits de esigibilidadi dudosa, po s'annu 2020, est de Èurus 43.861,12;
- Is spesas po is investimentus funt prevedias in sa tzifra permìtz de is mezus finantziàrius reperibileis e funt stètias stabilias cunforma a is cosas de fai e is programas de su Documentu Ùnicu de Programatzioni (DUP);

BIUS:

- Su Decretu Legislativu n.118/2011;
- Su Testu Ùnicu po s'ordinamentu de is Entis Localis, aprovau cun decretu legislativu n.267 de su 18 de Austu 2000, in particulari s'art.172;
- Su Regulamentu de Contabilidadi in vigèntzia;
- Su Statutu comunali;

ACHIRIUS po sa proposta de custa deliberatzioni, cunforma a s'art.49, comma 1, de su D.Lgs. 18/08/2000, n.267, is parris a favori po sa regularidadi tènnica e finantziària de su Responsàbili de su Servìtziu Finantziàriu;

SU PRESIDENTI illustrat s'argumentu chi est a s'òrdini de sa dii e, pustis discussioni manna, ponit a is votus sa proposta e si ndi otennit custu arresurtau:

- PRESENTIS E VOTANTIS N.11;
- VOTUS A FAVORI N.11;
- CONTRÀRIUS N. / ;
- ASTÈNNIUS N. / ;

A s'unimidadi de is votus a favori, espressaus cunforma a sa lei

DELÌBERAT

1. DE APROVAI su Documentu Ùnicu de Programatzioni (DUP);

2. DE APROVAI su Bilànciu de previsioni finantziàriu 2020-2022, fatu cunforma a is schemas de s'allegau 9 de su D.Lgs. 118/2011, cun s'arresurtau finali illustrau in custu prospetu:

INTRADAS ECONÒMICAS	Previsionis 2020	Previsionis 2021	Previsionis 2022
Fundu po prus annus vincolau de parti currenti	50.006,44 €		
Fundu po prus annus vincolau de parti capitali	3.180.144,71 €		
TÍTULU I – Intradas econòmicas po tributus, contributus e agualadura	835.609,08 €	835.609,08 €	835.609,08 €

TÍTULU II – Càmbius currentis	1.927.936,66 €	1.807.418,43 €	1.807.418,48 €
TÍTULU III – Intradas econòmicas Extratributàries	368.763,90 €	213.068,48 €	213.068,48 €
TÍTULU IV – Intradas econòmicas in contu capitali	2.366.368,61 €	827.949,05 €	90.500,00 €
TÍTULU V – Intradas po ridusi is atividadis finantziàrias	- €	- €	- €
TÍTULU VI – Imprèstitus	- €	- €	- €
TÍTULU VII – Anticipadura de situtu tesorieri	- €	- €	- €
TÍTULU VIII – Intradas econòmicas po part ide àterus e partidas de giru	429.865,00 €	429.865,00 €	429.865,00 €
Totali Generali parti intradas econòmicas	9.158.694,40 €	4.113.910,04 €	3.376.460,99 €
<hr/>			
PARTI de is SPESAS	Previsionis 2020	Previsionis 2021	Previsionis 2022
TÍTULU I – Spesas currentis	2.871.169,66 €	2.678.727,77 €	2.660.393,30 €
TÍTULU II – Spessas in contu capitali	5.831.276,44 €	978.124,78 €	258.157,67 €
TÍTULU III – Spesas po aumentu de atividadis finantziàrias	- €	- €	- €
TÍTULU IV – Spesas po arrembursu imprèstidus	26.383,30 €	27.192,55 €	28.027,02 €
TÍTULU V – Antizipatzionis de istitutu tesoreri/cassieri serradas	- €	- €	- €
TÍTULU VI – Servìtzius po àterus e partidas de giru	429.865,00 €	429.865,00 €	429.865,00 €
Disavantzu de administratzioni	- €	- €	- €
Totali Generali parti de is spesas	9.158.694,40 €	4.113.910,04 €	3.378.460,99 €

3. **DE APROVAI** sa nota integrativa allegada a su bilànciu de previsioni finantziàriu 2020-2022;
 4. **DE APROVAI** su Pianu de is inditadoris e de is arresurtaus chi s'abentant de su bilànciu, fatu cunforma a is schemas de su Decretu de su Ministru de s'Internu de 23/12/2015;

5. **DE DONAI ATU** ca su Revisori at donau parri a favori, achiriu a su protocollu a su nùmuru 2459 de su 24/04/2020, a is Schemas de Bilànciu 2020-2022 e is allegaus cosa sua e a su documentu Ùnicu de Programatzioni;

6. **DE DONAI ATU** ca in su Documentu Ùnicu de Programatzioni (DUP) ddoi funt e po custu aprovaus custus documentus de programatzioni:

- Pianu de is alienatzionis e valorizatzionis imobiliaris cunforma a s'art.58, comma 1, de su D.L. n.112/2008;
- Programa po tres annus de is Traballus Pùblicus 2020/2022, elencu po s'annu 2020;
- Programa po duus annus de forniduras e servìtzius;
- Programa po sa ratzionalizatzioni e cualificatzioni de is spesas;
- Programa po tres annus de su abisòngiu de personali.

8. **DE DONAI ATU** ca cun deliberatzioni de su Cunsillu Comunal n.15 de su 15/07/2019, esecutiva, est stètiu aprovau su rendicontu de sa gestioni po s'annu finantziàriu 2018;

9. **DE ALLEGAI** a-i custa deliberatzioni sa relatzioni presentada a su revisori de is contus, cunforma a s'art.239, c.1 litera b) puntu 2, de su D.Lgs. 267/2000;

10. **DE PUBRICAI** in su situ internet is datus chi pertocant su bilànciu de previsioni a manera curtza, agregada e semprificada, cunforma a su DPCM 22 de Cabudanni 2014;

11. **DE DONAI ATU** ca su bilànciu de previsioni 2020-2022 s'at a trasmiti a sa Banca Datus Aministratzionis Pùblicas (BDAM) aintru de 30 diis de s'aprovatzioni, cunforma a is schemas de s'allegau tènnicu de trasmissioni ex art. 5 de su DM 12/5/2016 e agiornau su 18/10/2016: s'intregu de is datus a sa Banca Datus Aministratzionis Pùblicas (BDAP) ndi tirat is òbligus cunforma a s'art.227 comma 6 de su D.Lgs. 267/2000 po s'intregadura telemàtica a sa Corti de is Contus;

Cun votatzioni separada e sutzessiva, a s'unanimidadi de votus a favori, espressaus cunforma a sa lei, custa deliberatzioni benit declarada eseguibile de luegu, cunforma a s'art. 134, 4[^] comma de su D.Lgs. 267/2000.

Parri ex art.49 de su T.U. de sa lei po s'ordinamentu de is EE.LL., aprovau cun D.Lgs. 267/2000

A) Si donat parri a favori po si chi pertocat sa regularidadi tènnica
SU RESPONSABILI DE SU SERVÌTZIU
Giovanni Luigi Mereu

B) Si donat parri a favori po si chi pertocat sa regularidadi contàbili
SU RESPONSÀBILI DE SU SERVÌTZIU
Giovanni Luigi Mereu

Lìgiu, aprovau e sutascritu

SU SÌNDIGU
Marco Lampis

SU SEGRETÀRIU COMUNALI
Dot. Giovanni Mattei

Deu etotu sutascritu Segretàriu Comunali:

ACRARU

Ca custa deliberatzioni, cunforma a sa L.R. n.2 de su 04/02/2016 est stètia pubricada a s'Albu Pretòriu de su Comunu su **04/05/2020** po ddoi abarrai po cuìndixi diis de sighiu.

Su Segretàriu Comunali
Dott. Giovanni Mattei

Scalepranu su 04/05/2020

Deu etotu sutascritu Segretàriu Comunali, bius is autus de ufitziu

ACRARU

Ca custa deliberatzioni, est esecutiva de sa diri **29/04/2020**:

- Poita ca est stètia declarada eseguibile de luegu, cunforma a s'art.134, sa de 4^u corriedda de su D.Lgs. 267/2000;
- Poita ca funt passadas 10 diis de sa pubricatzioni.

Su Segretàriu Comunali
Dot. Giovanni Mattei